



অবিলম্বে প্রকাশের উদ্দেশ্যে: 2/27/2023

গভর্নর ক্যাথি হোকল

গভর্নর হোকল ফেয়ার হেভেন, কায়ুগা কাউন্টিতে বন্যা প্রতিরোধ প্রকল্প বিষয়ক
সিরিজের নির্মাণ সমাপ্তির ঘোষণা দিয়েছেন

ওয়েস্ট ব্যারিয়ার বার পার্ক শোরলাইনকে স্থিতিশীল ও সুরক্ষিত রাখতে 1.8 মিলিয়ন
মার্কিন ডলারেরও বেশি অর্থায়ন

কিং স্ট্রিট বোট র্যাম্প ও পার্কিং এরিয়া উন্নয়নের জন্য উচ্চ জল ধারা সৃষ্টির সময় বোট
লঞ্চে অব্যাহত অ্যাক্সেস নিশ্চিত করতে প্রায় 719,000 মার্কিন ডলারের অর্থায়ন

উপকূলকে স্থিতিশীল এবং লেক স্ট্রিট পাম্পহাউজকে সুরক্ষিত রাখতে 656,500 মার্কিন
ডলারের অর্থায়ন

ভবিষ্যতের বন্যা প্রশমনে কটেজ স্ট্রিট পাবলিক পার্কে রিটেইনিং ওয়াল মেরামত ও উঁচু
করার জন্য 487,600 মার্কিন ডলারের অর্থায়ন

নিউ ইয়র্ক স্টেটের 300 মিলিয়ন ডলারের স্থিতিস্থাপকতা ও অর্থনৈতিক বিকাশ
উদ্যোগের অংশ

গভর্নর ক্যাথি হোকল আজ কায়ুগা কাউন্টির ফেয়ার হ্যাভেন গ্রামে বন্যা প্রতিরোধক প্রকল্পের
একটি সিরিজ সমাপ্তির ঘোষণা দিয়েছেন। নিউ ইয়র্ক স্টেটের [রেসিলিয়েন্সি অ্যান্ড ইকোনোমিক
ডেভেলপমেন্ট ইনিশিয়েটিভ](#) এর মাধ্যমে চারটি প্রকল্প সম্পন্ন করার জন্য গ্রামটিকে 3.7
মিলিয়ন মার্কিন ডলার প্রদান করা হয়েছিল। REDI অর্থায়নকৃত এই প্রকল্পগুলো ভবিষ্যতে উচ্চ-
জল ধারার দুর্ঘটনাগুলোর প্রভাব প্রতিরোধ করতে সাহায্য করবে এবং কায়ুগা কাউন্টির
উপকূলরেখার স্থিতিস্থাপকতা উন্নত করতে সাহায্য করবে।

"নিউ ইয়র্কের গ্রেট লেকের তত্ত্বাবধায়ক হওয়া এবং এই সম্প্রদায়ে বসবাসকারী জনগোষ্ঠী এবং
এখানে পরিচালিত ব্যবসাগুলো রক্ষা করার একটি বিশেষ দায়িত্ব আছে," **গভর্নর হোকল
বলেন।** "যদিও অন্টারিও হ্রদ এবং সেন্ট লরেন্স নদীর ধারে বসবাসকারী এবং কাজ করা
বাসিন্দাগণ সাম্প্রতিক বছরগুলোতে প্রচুর চ্যালেঞ্জের সম্মুখীন হয়েছে তবে নিউ ইয়র্ক শক্তিশালী,
আরো স্থিতিস্থাপক সম্প্রদায় গড়ে তুলতে সহায়তা করার জন্য পদক্ষেপ গ্রহণ করছে ফেয়ার

হ্যাভেনের উন্নয়নের আজকের সমাপ্তিটি গ্রামটিকে ভবিষ্যত উচ্চ-জল ধারার দুর্ঘটনা থেকে রক্ষা করতে এবং ভবিষ্যত প্রজন্মের জন্য সমৃদ্ধি নিশ্চিত করতে সাহায্য করবে।"

2019 সালে, লেক অন্টারিওর জলধারা রেকর্ড পরিমাণ উচ্চ সীমায় পৌঁছেছিল যার ফলে হ্রদের উপকূল বরাবর সমগ্র সম্প্রদায়ে মারাত্মক বন্যা দেখা দেয়। বৈরি আবহাওয়ার এই মারাত্মক দুর্ঘটনাগুলো জনসাধারণের অবকাঠামোর ক্ষতি করে এবং ওয়েস্ট ব্যারিয়ার বার পার্কের মতো জনপ্রিয় পর্যটনের গন্তব্যগুলোতে জনসাধারণের ব্যবহার সীমিত করে যা জনসাধারণের নিরাপত্তা ও স্থানীয় অর্থনীতিকে নেতিবাচকভাবে প্রভাবিত করেছে। মোট ছয়টি প্রকল্পের জন্য REDI কমিশন গ্রামটিকে 5.25 মিলিয়ন মার্কিন ডলার প্রদান করেছে। 1.45 মিলিয়ন মার্কিন ডলারের ফিলিপস পার্ক ওয়াকওয়ে REDI প্রকল্পের কাজ চলমান আছে। গ্রামের ষষ্ঠ ও সর্বশেষ স্থিতিস্থাপকতামূলক প্রকল্প, স্ট্যান্ডব্রুক পার্ক উন্নয়ন প্রকল্প, REDI কমিশন থেকে 73,900 মার্কিন ডলার গ্রহণ করেছে এবং এই বসন্তের পরে শুরু হবে বলে প্রত্যাশা করা হচ্ছে। সম্পন্নকৃত প্রকল্পগুলোর বিষয়ে আজকের ঘোষণা হলো:

ওয়েস্ট ব্যারিয়ার বার পার্ক, 1,863,381 মার্কিন ডলার: ধারাবাহিক বন্যা এবং তীব্র ডেউ উপকূলের সীমাগুলোকে ক্ষয় করে ফেলেছে যার ফলে পার্কের অংশগুলো জলপূর্ণ এবং জনসাধারণের ব্যবহারের জন্য দুর্বিসহ হয়ে উঠেছে। ওয়েস্ট ব্যারিয়ার বার পার্কের বন্যা প্রতিরোধ প্রকল্পের মধ্যে রয়েছে লেক অন্টারিওর উপকূল সীমাকে পুনরুদ্ধার করা যাতে সমুদ্র সৈকতকে স্বাভাবিক অবস্থায় ফিরিয়ে এনে জনসাধারণকে জলে অ্যাক্সেস করতে এবং একটি উপভোগ্য সৈকত ও পার্কের দৃষ্টিনন্দন অভিজ্ঞতা অর্জনে ভূমিকা রাখে। উপরন্তু, ডেউয়ের গতি কমাতে এবং ক্ষয় থেকে লিটল সোডাস বে উপকূলকে রক্ষা করার জন্য একটি প্রাণবন্ত উপকূলরেখা তৈরি করতে একটি অফশোর রক সিল প্রতিস্থাপন করা হয়েছিল।

কিং স্ট্রিট র্যাম্প, 718,619 মার্কিন ডলার: কিং স্ট্রিট বোট র্যাম্প এবং পার্কিং এলাকা লিটল সোডাস বে এর পশ্চিম দিকে অবস্থিত। উপসাগরে বিনোদনের জন্য বোট লঞ্চ হলো অন্যতম প্রধান অ্যাক্সেস ব্যবস্থা যা স্টেটজুড়ে পর্যটকদের আকর্ষণ করে। উপসাগরের আশেপাশে অবস্থিত স্থানীয় ব্যবসা প্রতিষ্ঠানগুলোকে সহায়তা করার জন্য উচ্চ জলধারার সৃষ্টির সময় বোট র্যাম্প এবং পার্কিং এলাকার ব্যবহার চালু রাখাটা গুরুত্বপূর্ণ ছিল। কিং স্ট্রিট বোট র্যাম্প এবং পার্কিং এলাকায় গৃহীত স্থিতিস্থাপকতামূলক ব্যবস্থাগুলোর মধ্যে নির্মিত দেয়ালগুলোর উচ্চতা বাড়ানো, ভারাক্রান্ত কংক্রিটের বোট র্যাম্প স্ল্যাবগুলো প্রতিস্থাপন এবং ধরে রাখা দেয়ালের শীর্ষ বরাবর গার্ডেল স্থাপন অন্তর্ভুক্ত রয়েছে।

লেক স্ট্রিট পাম্প হাউজ, 656,500 মার্কিন ডলার: লেকের উচ্চ জলধারা লেক স্ট্রিট পাম্প হাউজটিকে জলাবদ্ধতার ঝুঁকিতে ফেলার পাশাপাশি এই গুরুত্বপূর্ণ পাবলিক ইউটিলিটিটি ব্যর্থতার এবং জলের গুণগত মানে গ্রহণযোগ্যতার ঝুঁকিতে ফেলেছে। পাম্প হাউজটি ফেয়ার হ্যাভেন স্টেট পার্ক এবং স্থানীয় বাসিন্দাদের সেবাদান করে। বন্যা প্রতিরোধমূলক বাস্তবায়িত প্রকল্পটিতে ভূমিক্ষয় নিয়ন্ত্রণ এবং ভবিষ্যতের বন্যা প্রতিরোধ করার জন্য উপকূল বরাবর ইম্পাতের পাত পাইলিং এবং রিপ র্যাপ স্থাপন কার্যক্রম অন্তর্ভুক্ত রয়েছে।

লিটল সোডাস হারবার/কটেজ স্ট্রিট পাবলিক পার্ক, 487,600 মার্কিন ডলার: কটেজ স্ট্রিট পাবলিক পার্ক লিটল সোডাস বে এর পূর্ব দিকে অবস্থিত এবং সেখানকার বিনোদনের একটি প্রধান অ্যাক্সেস পয়েন্ট হিসেবে বিবেচিত। পার্কের বোট র্যাম্প এবং ডকিং এলাকাটি উচ্চ জলধারা সৃষ্টির সময় ব্যবহারযোগ্য এবং লিটল সোডাস বে-তে নিরবিচ্ছিন্ন অ্যাক্সেস রয়েছে তা নিশ্চিত করা স্থানীয় পর্যটন অর্থনীতিকে স্থিতিশীল রাখার জন্য অতীব গুরুত্বপূর্ণ। কটেজ স্ট্রিট পাবলিক পার্কের বন্যার স্থিতিস্থাপকতামূলক প্রকল্পে বাস্তবায়িত প্রতিরোধ ব্যবস্থাগুলোর মধ্যে বিদ্যমান কংক্রিটের বোট র্যাম্পের মেরামত, বিদ্যমান রিটেইনিং দেয়ালের উচ্চতা বাড়ানো এবং রিটেইনিং দেয়ালের উপরে একটি গার্ডরেল যুক্ত করার বিষয়টি অন্তর্ভুক্ত রয়েছে। উপরন্তু, বর্তমান কাঠের ডকটিকে একটি ভাসমান ডকের মাধ্যমে প্রতিস্থাপিত করা হয়েছিল এবং লঞ্চের অ্যাসফল্ট ড্রাইভটি মেরামত ও পুনর্গঠিত করা হয়েছিল।

নিউ ইয়র্ক স্টেট পরিবেশ সংরক্ষণ বিভাগ (DEC) কমিশনার এবং REDI কমিশনের সহ-সভাপতি বাসিল সেগোগাস বলেন, "গভর্নর হোকলের নির্দেশে, DEC অন্টারিও লেক এবং সেন্ট লরেন্স নদীর তীরে বন্যার ঝুঁকিতে থাকা কমিউনিটির সাথে ঘনিষ্ঠভাবে কাজ চালিয়ে যাচ্ছে, পার্ক, জলের অবকাঠামো এবং রাস্তার মতো ঘরবাড়ি, ব্যবসা প্রতিষ্ঠান এবং গুরুত্বপূর্ণ পৌরসভার সম্পদ রক্ষা করতে সহায়তা করছে। ফেয়ার হ্যাভেনের এই প্রকল্পগুলি গ্রামের তটরেখা এবং গুরুত্বপূর্ণ অবকাঠামোর স্থিতিস্থাপকতা জোরদার করে।"

নিউ ইয়র্ক সেক্রেটারি অব স্টেট রবার্ট রদ্রিকিজ বলেন, "নিউ ইয়র্ক হ্রদ বরাবর কমিউনিটির স্থিতিস্থাপকতা উন্নত করতে অন্টারিও তটরেখা বরাবর ট্রান্সফরমিয়েটিভ প্রকল্পগুলি শনাক্ত এবং লক্ষ্য করা অব্যাহত রেখেছে। REDI প্রোগ্রামের মাধ্যমে, স্টেট এবং স্থানীয় সরকারগুলো কায়ুগা কাউন্টির ওয়েস্ট ব্যারিয়ার বার পার্কের মতো জনপ্রিয় গন্তব্যগুলিতে পানির চরম স্তরের সাথে খাপ খাইয়ে নিতে একসাথে কাজ করছে। এই সম্পত্তিতে আমাদের বিনিয়োগ একটি জনপ্রিয় পর্যটন কেন্দ্রকে শক্তিশালী করতে সহায়তা করবে, যা নিশ্চিত করে যে এটি আঞ্চলিক অর্থনীতির একটি গুরুত্বপূর্ণ উপাদান এবং ভবিষ্যতে দীর্ঘকাল কমিউনিটির একটি কেন্দ্রবিন্দু হিসাবে কাজ করে যাবে তা নিশ্চিত করবে।"

NYS অফিস অব জেনারেল সার্ভিসেস এর কমিশনার জ্যানেট ময় বলেন, "গভর্নর হোকলের নেতৃত্বে, নিউ ইয়র্ক স্টেটের REDI প্রোগ্রামটি এমন প্রকল্পগুলো সম্পন্ন করছে যা অন্টারিও লেক এবং সেন্ট লরেন্স নদীর তীরে বন্যার ঝুঁকিপূর্ণ অঞ্চলে স্থিতিস্থাপকতা তৈরি করে। ফেয়ার হ্যাভেনের গ্রামে, এই প্রচেষ্টাগুলো কমিউনিটির গুরুত্বপূর্ণ অবকাঠামো মেরামত, উন্নতি এবং রক্ষা করছে। তারা এই অঞ্চলে এলাকার বাসিন্দা এবং দর্শনার্থীদের জন্য বিনোদনমূলক সুযোগগুলি বাড়িয়ে স্থানীয় পর্যটন অর্থনীতিতেও উৎসাহ দিচ্ছে।"

নিউ ইয়র্ক স্টেট ডিপার্টমেন্ট অব ট্রান্সপোর্টেশন কমিশনার মেরি থেরেস ডোমিংয়েজ বলেছেন, "লেক অন্টারিও থেকে ফেয়ার হ্যাভেন গ্রামে বন্যার ক্ষয়ক্ষতি আমি সরেজমিনে গিয়ে প্রত্যক্ষ করেছি এবং এই কারণে আমাদের তীরবর্তী কমিউনিটির সুরক্ষার জন্য এই REDI-অর্থায়িত স্থিতিস্থাপকতা বর্ধনগুলি প্রয়োজনীয়, তাই স্থানীয় ও স্টেট সরকারে আমাদের অংশীদারদের মাধ্যমে আমাদের অবকাঠামোকে আরও শক্তিশালী করার জন্য স্টেট পরিবহন বিভাগ কাজ করার প্রতিশ্রুতিবদ্ধ থেকেছে। জলবায়ু পরিবর্তনের ফলে বৈরী আবহাওয়ার ঘটনা

ঘটছে এবং ক্রমবর্ধমানভাবে পানির স্তরগুলো আরো খারাপ হচ্ছে এবং এখন এই কৌশলগত বিনিয়োগগুলো করার মাধ্যমে আমরা নিশ্চিত করতে সহায়তা করি যে ভবিষ্যতে বাসিন্দা এবং ব্যবসায়ীরা আরো ভালো সুরক্ষিত থাকবে।"

অ্যাসেসম্বলি সংখ্যালঘু নেতা উইল বার্কলে বলেন, "ফেয়ার হ্যাভেনে এই গুরুত্বপূর্ণ প্রকল্পগুলোর সমাপ্তি কমিউনিটির জন্য প্রচুর সুবিধা নিয়ে আসবে। লিটল সোডাস বে প্রচুর বিনোদনমূলক সুযোগ এবং অনন্য প্রাকৃতিক সংস্থান সরবরাহ করে যার ব্যাপারে অনেকেই প্রশংসা করছেন। এই অঞ্চলের সুবিধাগুলো বজায় রাখতে এবং আপগ্রেড করার জন্য বিনিয়োগগুলিতে অ্যাক্সেস বাড়াতে এবং এই অঞ্চলে আসা সকলের জন্য উপভোগ্য করে তুলতে সহায়তা করছে। আমি যারা এই উন্নয়নমূলক কাজগুলোকে বাস্তবে পরিণত করতে কঠোর পরিশ্রম করেছেন তাদের সবাইকে অভিনন্দন জানাই। "

কায়ুগা কাউন্টির চেয়ারপারসন ডেভিড গোল্ড বলেন, "একের পর এক প্রকল্পের মাধ্যমকে REDI প্রোগ্রামটি অন্টারিও তীরবর্তী কমিউনিটিকে আরও শক্তিশালী করে তুলতে সহায়তা করছে, এটি নিশ্চিত করে যে এই অঞ্চলটি ভবিষ্যতের বন্যার ঘটনাগুলোর জন্য প্রস্তুত রয়েছে। আমরা গভর্নর হোকল এবং REDI দলকে এই অঞ্চলে স্থিতিস্থাপকতা তৈরির জন্য তাদের অব্যাহত সহায়তা এবং প্রতিশ্রুতির জন্য প্রশংসা করি।"

ফেয়ার হ্যাভেনের মেয়র জেমস বেসিল বলেন, "REDI যে প্রকল্পগুলো সম্পন্ন করেছে তার জন্য স্বাগতম, উন্নয়নমূলক কাজগুলির মধ্যে রয়েছে স্থিতিস্থাপক অবকাঠামো যা প্ল্যান 2014 দ্বারা প্রবর্তিত লেক স্তরের সংশোধনী দ্বারা নির্মিত বন্যা হ্রাস করবে এবং এই জনপ্রিয় জনসমাবেশের ক্ষেত্রগুলি উন্মুক্ত এবং অ্যাক্সেসযোগ্য রয়েছে তা নিশ্চিত করতে সহায়তা করবে। REDI কমিশন এবং REDI টিমকে তাদের সহায়তা এবং দিকনির্দেশনার জন্য ধন্যবাদ এবং গ্রাম ডিজাইন এবং নির্মাণ প্রক্রিয়াটি নেভিগেট করার জন্য আপনাকে ধন্যবাদ।"

অন্টারিও লেক এবং সেন্ট লরেন্স নদীর তীরে বন্যা হওয়ার প্রসারিত ধরনের প্রতিক্রিয়া হিসেবে উপকূলীয় কমিউনিটিগুলির স্থিতিশীলতা বৃদ্ধি করতে এবং অঞ্চলের অর্থনৈতিক উন্নয়ন জোরদার করার জন্য নিউ ইয়র্ক স্টেট REDI প্রতিষ্ঠা করে। পাঁচটি REDI আঞ্চলিক পরিকল্পনা কমিটি যা আটটি কাউন্টির অংশগ্রহণে গঠিত (ন্যায়াগ্রা এবং অরলিন্স, মনরো, ওয়েইন, কায়ুগা এবং ওসওয়োগো এবং জেফারসন এবং সেন্ট লরেন্স), স্থানীয় অগ্রাধিকার, ঝুঁকিপূর্ণ পরিকাঠামো এবং অন্যান্য সম্পদ এবং জননিরাপত্তা সংক্রান্ত উদ্বেগ চিহ্নিত করার জন্য প্রতিষ্ঠিত হয়েছিল। REDI এর মাধ্যমে লেক অন্টারিও এবং সেন্ট লরেন্স নদীর বন্যা প্রবণ অঞ্চলের স্থিতিস্থাপকতা উন্নত করতে স্টেট 300 মিলিয়ন মার্কিন ডলার পর্যন্ত প্রদান করতে প্রতিশ্রুতিবদ্ধ হয়েছে।

2019 সালের বসন্তে স্টেটের REDI প্রকল্প সৃষ্টির পর থেকে, 134টি REDI অর্থায়িত স্থানীয় ও আঞ্চলিক প্রকল্পের কাজ চলছে, যার মধ্যে 41টি নকশা পর্যায়ে, 41টি নির্মাণ পর্যায়ে এবং 52টি প্রকল্প শেষ হয়েছে।

আরো তথ্য, প্রজেক্ট প্রোফাইল ও REDI বিষয়ক সংবাদের জন্য, [এখানে](#) ক্লিক করুন।

###

আরো সংবাদ পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)